



Arkivnr: 2015/10949-7
Saksbehandlar: Birthe Andersen Haugen

Saksframlegg

Saksgang

Utval	Saknr.	Møtedato
Utval for opplæring og helse		16.01.2018

Byte av fylkeskommunal observatør i styra ved Steinerskolen på Skjold og Rudolf Steinerskolen i Bergen

Samandrag

Fylkeskommunen sin rett til å vere representert i styra ved dei frie skulane er heimla i friskulelova § 5-1 a. Ein representant oppnemnt av vertsfylket er gjeven rett til å vere til stades på møte i styret, til å seie meininga si og få denne tilført protokollen. Styret sine oppgåver er regulert i friskulelova § 5-2.

I delegasjonsreglementet til Hordaland fylkeskommune er fullmakta til å nemne opp ein representant til styret når det gjeld skular som er godkjende etter friskulelova § 2-1 bokstavane a-i (vidaregåande skular), lagt til utval for opplæring og helse.

Av omsyn til arbeidsoppgåver og ansvarsområde har seksjonsleiar for OT/PPT-tenester Nina Ludvigsen bede om å verte løyst frå vervet som fylkeskommunal observatør i styret til Steinerskolen på Skjold. Fylkesrådmannen rår til at regionleiar Sissel Øverdal vert oppnemnt som ny fylkeskommunal observatør i styret ved Steinerskolen på Skjold. Vidare rår fylkesrådmannen til at Seksjonsleiar Nina Ludvigsen tek over regionleiar Sissel Øverdal sin plass som fylkeskommunal observatør i styret ved Rudolf Steinskolen i Bergen.

Økonomi: Ingen effekt

Klima: Ingen effekt

Folkehelse: Ingen effekt

Regional planstrategi: Ingen effekt

Forslag til vedtak

1. Frå 01.01.18 vert regionleiar Sissel Øverdal oppnemnt som fylkeskommunal observatør i styret ved Steinerskolen på Skjold.
2. Frå 01.01.18 vert seksjonsleiar Nina Ludvigsen oppnemnt som fylkeskommunal observatør i styret ved Rudolf Steinerskolen i Bergen.

Rune Haugsdal
fylkesrådmann

Svein Leidulf Heggheim
fylkesdirektør opplæring

Saksframlegget er godkjent elektronisk og har derfor inga underskrift.

Fylkesrådmannen, 02.01.2018

Fylkeskommunen sin rett til å vere representert i styra ved dei frie skulane er heimla i friskulelova § 5-1 a). Ein representant oppnemnt av vertsfylket er gjeven rett til å vere til stades på møte i styret, til å seie meininga si og få denne tilført protokollen.

Styret sine oppgåver er regulert i friskulelova § 5-2.

«Styret sine oppgåver.

Styret har den øvste leiinga av skulen og skal sjå til at skulen blir driven i samsvar med gjeldande lover og forskrifter.

Styret skal:

- a) sjå til at elevar i opplæringspliktig alder som blir tekne inn ved skulen, får oppfylt retten til grunnskuleopplæring, og melde frå til foreldra og heimkommunen til elevar som over lengre tid ikkje møter fram til undervisninga utan lovleg grunn,
- b) fastsetje storleiken på skulepengane,
- c) vedta budsjett og rekneskap for skulen,
- d) fastsetje inntaks- og ordensreglement for skulen,
- e) fremje saker om flytting etter § 3-3 første ledd og bortvising etter § 3-10 andre ledd,
- f) ha ansvar for at skulen har ei forsvarleg økonomi- og rekneskapsforvaltning,
- g) sjå til at offentlege tilskot og skulepengar kjem elevane til gode,
- h) sjå til at offentlege krav og føresetnader for verksemda blir oppfylte.
- i) sørge for å ha rett og nødvendig kompetanse i verksemda. Styret skal ha eit system som gir undervisningspersonale, skuleleiarar og personale med sær oppgåver ved skulen høve til nødvendig kompetanseutvikling, med sikte på å fornye og utvide den faglege og pedagogiske kunnskapen og å halde seg orienterte om og vere på høgde med utviklinga i skulen og samfunnet.
- j) tilsetje dagleg leiar.
- k) drøfte den årlege rapporten om tilstanden i skulen som er utarbeidd etter tredje ledd.

Styret skal ha eit forsvarleg system for vurdering av om krava i gjeldande lover og forskrifter, og føresetnadene for godkjenninga blir oppfylte. Styret skal ha eit forsvarleg system for å følgje opp resultatane frå desse vurderingane og nasjonale kvalitetsvurderingar som departementet gjennomfører med heimel i § 7-2 tredje ledd. Som ein del av oppfølgingsansvaret skal det utarbeidast ein årleg rapport om tilstanden i skulen knytt til læringsresultat, fråfall og læringsmiljø. I andre saker enn dei som følgjer av andre og tredje ledd, kan styret med 2/3 fleirtal delegere avgjerdsretten»

I delegasjonsreglementet til Hordaland fylkeskommune er fullmakta til å nemne opp ein representant til styret når det gjeld skular som er godkjende etter friskulelova § 2-1 bokstavane a-i (vidaregåande skular), lagt til utval for opplæring og helse.

Med utgangspunkt i fylkeskommunen sitt ansvar som skuleeigar og plikter og rettar som det medfører overfor friskulane, meiner fylkesdirektør opplæring at det er viktig at fylkeskommunen nemner opp styremedlemmer og følgjer opp ansvaret sitt i styra.

Om Steinerskolen i Bergen

Steinerskolen sitt vidaregåande trinn gjev studiekompetanse tilsvarande dei studieførebuande utdanningsprogramma. Elevane får i tillegg til generell studiekompetanse læring og utvikling i musikk, kunst, handverk og friluftsliv. Skulen ligg på Storetveit i Bergen. Rudolf Steinerskolen i Bergen driv verksemda på grunnlag av ei anerkjent pedagogisk retning, jf. friskulelova § 2.1 b).

Om Steinerskolen på Skjold

Skuletilbodet er for ungdom som av ulike grunnar ikkje finn seg til rette eller kan gjere seg nytte av det tradisjonelle vidaregåande opplæringstilbodet. Alle elevane har individuell opplæringsplan. Skulen er godkjent etter friskulelova § 2-1b).

I sak 4/2016 i utval for opplæring- og helse 14.01.16 vart regionleiar Sissel Øverdal oppnemnt som fylkeskommunal observatør i styret til Rudolf Steinerskolen i Bergen. I same sak vart seksjonsleiar Nina Ludvigsen oppnemnt som fylkeskommunal observatør i styret til Steinerskolen på Skjold.

Av omsyn til arbeidsoppgåver og ansvarsområde har seksjonsleiar for OT/PPT-tenester Nina Ludvigsen bede om å verte løyst frå vervet som fylkeskommunal observatør i styret til Steinerskolen på Skjold. Fylkesrådmannen rår til at regionleiar Sissel Øverdal vert oppnemnt som ny fylkeskommunal observatør i styret ved Steinerskolen på Skjold. Vidare rår fylkesrådmannen til at seksjonsleiar Nina Ludvigsen tek over regionleiar Sissel Øverdal sin plass som fylkeskommunal observatør i styret ved Rudolf Steinskolen i Bergen.